

COV TXWJ LAUS TIV THAIV

Txwj Laus Tiv Thaiv, Zaj 1 thiab 2

**Lub xeem Yus Das thiab lub xeem
Xis Mes Oos tau teb chaws nyob.
1 : 1 - 7.**

- 1** 1 Thaum Yos Xuas tuag lawm, cov His Xas Lais nug HUAB TAIS tias : "Peb leej twg yuav ua tus thawj mus ntaus cov Kas Nas Has ?"
2 HUAB TAIS teb tias : "Yus Das yuav ua tus thawj. Kuv yuav tso lub teb chaws rau hauv nws tes."
3 Ces Yus Das hais rau nws tus kww Xis Mes Oos tias : "Koj nrog kuv mus txeeb lub teb chaws uas Ntuj muab rau kuv. Wb mus ntaus cov Kas Nas Has kom tawg tas tso, ces kuv yuav los nrog koj txeeb lub teb chaws Ntuj muab rau koj thiab."
HUAB TAIS tso cov Kas Nas Has thiab cov Pes Lis Ntxis rau hauv Yus Das tes. Nkawd ntaus yeej kaum txhiab leej nyob Npes Ntxes.
5 Yus Das tog tub rog mus ntsib As Dos Nis Npes Ntxes tog nyob Npes Ntxes, lawv sib tua ib cuam nyob ntawd, ces cov Kas Nas Has thiab cov Pes Lis Ntxis tawg. 6 As Dos Nis Npes Ntxes tso tes khiav, tab sis Yus Das caum tau nws, lawv muab nws ntiv tes thiab ntiv law xoo txiav.
7 Ces As Dos Nis Npes Ntxes hais tias : "Xya caum tus vaj uas kuv tau txiav lawv ntiv tes ntiv taw xoo tas, lawv niaj hnub khaws cov tsig mov poob hauv kuv lub qab rooj noj mov. Nyem no, Ntuj tau ua rau kuv xws li kuv tau ua rau lawv."
Lawv coj nws mus txog Yes Lus Xas Les ces nws tuag nyob ntawd.

**Cov His Xas Lais ncaim ntawm
Tswv Ntuj, lawv raug xwv txheej,
cov Txwj Laus Tiv Thaiv pab lawv.
2 : 11 - 19.**

- 2** 11 Cov His Xas Lais ua tsis ntxim HUAB TAIS siab, lawv mus tsob hwb cov dab Npas Has. 12 Lawv tso lawv cov yawg koob tus HUAB TAIS Tswv Ntuj pov tseg. Twb yog HUAB TAIS coj lawv tawm hauv Hais Nkws Tos teb los. Lawv mus nrog cov pej kum haiv neeg nyob ib ncig ntawm lawv teev dab. Lawv mus pe cov dab ntawd, lawv ua HUAB TAIS npau taws.
13 Lawv tso HUAB TAIS tseg, lawv mus tsob hwb Npas Has thiab As Tas Tes.
14 Ces HUAB TAIS thiaj npau taws rau cov His Xas Lais. HUAB TAIS cia tub sab tuaj lwg lawv thiab nws tso lawv rau cov yeeb ncuab uas nyob ib ncig ntawm lawv. Lawv tiv tsis taus cov yeeb ncuab.
15 Thaum twg lawv sawv mus ntaus teb chaws mas HUAB TAIS tsis pab lawv, nws ua kom lawv tau txoj hmoov phem raws li HUAB TAIS tau hais rau lawv thiab tau cog lus rau lawv lawm. Nws cia lawv raug kev txom nyem loj li ntawd.
16 Ces HUAB TAIS mam li tso ib co Txwj Laus Tiv Thaiv sawv tuaj cawm cov His Xas Lais ntawm cov neeg tuaj lwg lawv. 17 Tab sis cov His Xas Lais kuj tsis mloog cov Txwj Laus Tiv Thaiv lus thiab. Lawv tseem ntxeev siab mus teev thiab mus pe lwm cov dab. Lawv ncaim ntawm lawv cov yawg koob tej kev lawm. Lawv tsis taug lawv cov yawg koob txoj kev, tsis mloog HUAB TAIS cov lus qhia.

18 Thaum twg HUAB TAIS tsa ib tug Txwj Laus Tiv Thaiv tuaj pab lawv, mas HUAB TAIS nrog tus Txwj Laus Tiv Thaiv ntawd nyob. Thaum ib tug Txwj Laus Tiv Thaiv ua neej nyob, mas nws txuag cov His Xas Lais. Vim thaum lawv nroo tias luag tej hiam lawv mas HUAB TAIS zoo siab hlub lawv.

19 Tab sis thaum tus Txwj Laus Tiv Thaiv nyuam qhuav tuag kiag xwb mas lawv twb rov qab ua phem tuaj. Lawv tseem ua phem dua lawv phaj yawg lawm thiab. Lawv mus teev lwm cov dab, lawv mus tsob hwb thiab mus pe lwm cov dab li ntawd. Lawv ua siab tawv dhau raws nkaus li lawv cov yawg koob tus yam ntxwv.

Tus Tshiab tawm los hu Zes Des Oos. 6 : 11 - 24.

6 11 HUAB TAIS tus Tshiab nqes los zaum hauv tsob qab ntoo nyob Os Fas uas yog Yuas As Npis Xes tsob. Yuas As Npis Xes tus tub Zes Des Oos tab tom zom txhuv kom cov Mas Dias tsis txhob nyiag tau.

12 HUAB TAIS tus Tshiab yees tawm los rau Zes Des Oos pom, nws hais tias : "Tub rog siab tawv ! HUAB TAIS nrog koj nyob !"

13 Zes Des Oos teb rau nws tias : "Thov txim, HUAB TAIS ! Yog HUAB TAIS nrog peb, tim li cas peb thiab raug tas puas tsav yam zoo li no ? Tej hwj huam uas peb niam peb txiv lawv piav rau peb tias HUAB TAIS ua kom peb tau tawm ntawm Hais Nkws Tos teb los, tej hwj huam ntawd nyob qhov twg ? Nyem no HUAB TAIS tso peb pov tseg rau hauv cov Mas Dias txhais tes."

14 Ces HUAB TAIS tig los hais rau Zes Des Oos tias :

"Koj muaj ib lub zog nres koj ! Koj mus, koj yuav cawm tau His Xas Lais ntawm cov Mas Dias tes. Tsis yog kuv xa koj mus lod ?"

15 Zes Des Oos teb tias : "Thov txim, HUAB TAIS ! Kuv yuav ua li cas cawm tau His Xas Lais ? Kuv lub xeem yog xeem me tshaj nyob Mas Nas Xes teb. Thiab kuv yog tus tub ntxawg nyob hauv kuv txiv tsev."

16 HUAB TAIS teb tias : "Kuv yuav nrog koj. Koj yuav ntaus yeej cov Mas Dias, yam li lawv muaj ib leeg xwb."

17 Zes Des Oos hais tias : "Yog kuv tau ua neeg xis koj siab, mas thov koj ua ib lub cim qhia kuv kom kuv paub tias yog koj hais lus rau kuv tiag.

18 Thov koj tsis txhob txav mus deb ntawm no, koj tos kom kuv rov tuaj cuag koj tso. Kuv yuav tuaj txi koj, kuv yuav nqa txim tuaj tso ntawm koj xub ntiag."

Ces HUAB TAIS teb tias : "Kuv yuav nyob tos koj rov tuaj txog tso."

19 Zes Des Oos mus lawm. Nws tua ib tug tthis thiab nws yeem ib ntim hmoov nplej ua ib co mov tsis xyaw poov xab. Nws muab co nqaij tso rau hauv ib lub tawb, hos cov kua nws muab rau hauv ib lub tais. Ces nws nqa tuaj rau HUAB TAIS nyob hauv ib tsob qab ntoo.

20 Thaum nws tuaj yuav txog, HUAB TAIS tus Tshiab hais rau nws tias : "Koj muab nqaij thiab muab cov mov tsis xyaw poov xab tso rau saum lub pob zeb no, thiab koj hliv cov kua rau."

Zes Des Oos ua li ntawd tas. 21 Ces HUAB TAIS tus Tshiab cev tus ntsis pas uas tuav ntawm nws tes mus chwv cov nqaij thiab cov ncuav mov. Hluav taws cia li cig hauv lub pob zeb tuaj kub cov nqaij thiab cov mov tas tib si.

Ces HUAB TAIS tus Tshiab ploj ntais ntawm Zes Des Oos xub ntiag lawm.

22 Zes Des Oos paub tias yog HUAB TAIS tus Tshiab tiag.

Nws txawm hais tias :

"Kuv tus HUAB TAIS Tswv Ntuj, aib ! Kuv txawm tau pom koj tus Tshiab lub ntsej muag tiag !"

23 HUAB TAIS teb tias :

"Koj nyob kaj siab lug mog ! Tsis txlob ntshai ! Koj yuav tsis tuag."

24 Zes Des Oos ua ib lub thaj txi HUAB TAIS nyob ntawd, thiab nws hu qhov chaw ntawd ua "HUAB TAIS Kev Thaj Yeeb."

Zes Des Oos daim tawv yaj.

6 : 36 - 40.

36 Zes Des Oos hais rau Tswv Ntuj tias : "Yog koj xav vam txog kuv txhais tes pab cawm His Xas Lais tiag raws li koj hais, mas kuv yuav muab ib daig tawv yaj los pua rau saum lub tshav no.

37 Yog muaj lwg ntsu nyob saum cov plaub yaj xwb, thaj av nyob hauv qhuav qhawv tib si, mas kuv thiaj yuav paub tseeb tias koj yuav vam txog kuv txhais tes los cawm His Xas Lais raws li koj hais tiag."

38 Ces txawm muaj tuaj raws li hais ntawd. Tag kis kaj ntug Zes Des Oos sawv ntxov ntxov los muab daim tawv yaj tso kua, nws tso tau ib khob dej puv puv.

39 Zes Des Oos tseem hais rau Tswv Ntuj tias :

"Thov koj txlob npau taws ! Kuv tseem yuav thov koj ib zaug ntxiv. Thov koj rov qab pub kuv sim daim tawv yaj no ib zaug ntxiv. Nyem no kuv xav kom tsuas qhuav nyob saum cov plaub yaj xwb hos ib ncig tom tej av xav kom ntub lwg tas huv tib si !"

40 Hmo ntawd, Tswv Ntuj ua raws li ntawd. Tsuas tshuav daim tawv yaj xwb thiaj qhuav, tej av nyob ib ncig mas ntsu lwg tas huv tib si.

**Nyob hauv Zes Des Oos cov tub
rog, Tswv Ntuj xaiv ib co siab tawv.
7 : 2 - 7 + 16 - 22.**

7 2 HUAB TAIS hais rau Zes Des Oos tias :

"Haiv neeg nrog koj mus ntaus rog coob dhau. Yog kuv pub kom nej ntaus tau cov Mas Dias mas cov His Xas Lais yuav rov qab qhuas lawv xwb. Lawv yuav nco tsis txog kuv. Lawv yuav hais tias 'Yog peb txhais tes rov cawm tau peb !'

3 Ua li mas koj yuav hais li no rau tsoom sid mloog. Yog leej twg ntshai mas kom nws rov qab mus tsev."

Zes Des Oos sim lawv, ces muaj nees nkaum ob txhiab leej rov mus tsev, tshuav kaum txhiab leej xwb.

4 HUAB TAIS hais rau Zes Des Oos tias :

"Cov neeg ntawd tseem coob dhau. Koj coj lawv nqes mus nram ntug dej, kuv yuav sim lawv nyob ntawd. Tus twg uas kuv hais rau koj tias nws nrog koj mus, mas tus ntawd thiaj yuav nrog koj mus. Yog tus twg uas kuv hais tias tsis txlob cia tus ntawd nrog koj mus, mas tus ntawd yuav tsis tau mus."

5 Pab tub rog ntawd mus nram ntug dej. HUAB TAIS hais rau Zes Des Oos tias :

"Cov uas lawv haus dej, lawv xuas nplaig yaim li dev mas koj muab lawv rau ib cag. Hos cov uas lawv txhos caug haus dej mas koj muab lawv rau ib cag."

6 Cov uas lawv xuas nplaig yaim dej li dev, muaj peb puas leej. Hos dua li cov tib si txhos caug haus dej.

7 Ces HUAB TAIS hais rau Zes Des
Oos tias :

"Yog nrog peb puas leej ntawd mas kuv
yuav cawm nej thiab kuv yuav muab Mas
Dias rau hauv nej tes. Dua li cov mas
kom lawv rov qab mus tsev tas tib si."

16 Zes Des Oos faib peb puas leej tub
rog ntawd ua peb pab. Nws faib ib leeg
ib lub hom thiab ib leeg ib lub hub qhuav
ntim ib teg tsau. 17 Zes Des Oos hais
rau lawv tias :

"Nej ntsia kuv, nej ua raws kuv qab !
Thaum peb mus txog ze lub yeej lawm
mas yog kuv ua li cas nej yuav ua li cas
thiab ! 18 Thaum kuv tshuab hom mas
tas nej sawv daws huv si yuav tshuab
hom ncig lub yeej thiab nej yuav qw tias :
Ua rau HUAB TAIS thiab rau Zes Des
Oos !"

19 Thaum yuav txog ib tag hmo, cov
Mas Dias lawv nyuam qhuav tso peeb zov
hmo tas nrho xwb. Zes Des Oos nrog
nws pab tub rog ib puas leej tuaj txog ze
lub yeej, lawv tshuab hom thiab lawv
muab lawv cov hub tsoo tawg tas.

20 Ces tas peb pab tub rog lawv tshuab
hom thiab lawv tsoo lawv cov hub tawg
tas huv tib si. Lawv txhais tes laug tuav
cov tsau hos lawv txhais tes xis tuav cov
hom. Lawv qw tias : Ua rau HUAB
TAIS thiab rau Zes Des Oos !"

21 Thaum ntawd lawv nyias sawv nres
nroos ntawm nyias qhov chaw nyob ncig
lub yeej. Ces nyob hauv lub yeej cov
Mas Dias sawv daws tsim dheevel. Cov
Mas Dias qw tej suab thiab lawv tso tes
khiav.

22 Thaum Zes Des Oos peb pab tub rog
tab tom tshuab hom, HUAB TAIS ua
kom nyob hauv lub yeej cov tub rog Mas
Dias nyias rov tig nyias rab ntaj los tua
tus npawg nyob ze ntawm lawv. Sawv
daws khiav tas.

Yos Tas zaj txhais.

9 : 6 - 15 + 19 - 20.

9 6 Tas cov nom tswv nyob Xis Kes
thiab nyob Npes Mis Los tuaj sib
sau thiab tsa As Npis Mes Les ua vaj
nyob ze tsob ntoo ntawm daim txiag zeb
nyob Xis Kes.

7 Muaj neeg mus fi xov rau Yos Tas.
Ces Yos Tas tuaj nyob saum lub ncov
roob Nkas Lis Xis. Nws qw nrov nrov
rau lawv tias :

"Cov txwj laus nyob Xis Kes, nej mloog
kuv mog ! Tswv Ntuj thiaj yuav mloog
nej.

8 Muaj ib hnub cov ntoo sawv kev mus,
lawv xav mus pleev roj tsa ib tug vaj los
kav lawv. Lawv hais rau tsob txiv ntoo
roj tias : Koj ua peb tus vaj !

9 Tsob txiv ntoo roj teb lawv tias : Vim li
cas kuv thiaj yuav tso kuv cov roj uas
txawj ua kom neeg thiab dab zoo tuaj pov
tseg ? Ua cas kuv yuav mus piav cev yuj
yeev nyob saum cov ntoo ?

10 Ces cov ntoo mus hais rau tsob txiv
cev tias :

Koj los ua peb tus vaj mas !

11 Tsob txiv cev teb lawv tias :

Vim li cas kuv thiaj yuav tsis txi txiv qab
zib ntxiv ? Ua cas kuv yuav mus piav cev
yuj yeev nyob saum cov ceg ntoo ?

12 Cov ntoo txawm mus hais rau tsob
txiv cawv tias :

Koj los ua peb tus vaj mas !

13 Tsob txiv cawv teb tias :

Kuv puas yuav tseg tsis ua cawv ntxiv ?
Ua cas kuv yuav tsis tau ua kom neeg
thiab dab sov siab ntxiv ? Ua cas kuv
yuav mus piav cev yuj yeev nyob saum
cov ceg ntoo ?

14 Ces cov ntoo mus hais rau tsob pos
tias :

Koj los ua peb tus vaj mas !

Tsob pos teb tias :

Yog nej ua siab ncaj tsa kuv los ua vaj kav nej mas nej yuav los nkaum hauv kuv tau. 15 Tsis li ntawd, mas hluav taws yuav tawm hauv tsob pos tuaj kub tas cov faj khaum nyob Lis Npaas.

19 Cov His Xas Lais, nej thov li no, yog nej ua siab ncaj rau As Npis Mes Les tsev, mas As Npis Mes Les yuav ua nej chaw zoo siab thiab nej yuav ua nws chaw zoo siab.

20 Tsis li ntawd, mas ib co hluav taws yuav tawm hauv As Npis Mes Les los kub cov nom tswv nyob Xis Kes, thiab ib co hluav taws yuav tawm hauv cov nom tswv mus kub As Npis Mes Les."

Zes Faws Tas fiv yeem.

11 : 29 - 40.

11 29 HUAB TAIS lub tswv yim nyob saum Zes Faws Tas. Zes

Faws Tas mus ncig Nkas Las teb thiab Mas Nas Xes teb, nws hla Mis Pes nyob Nkas Las teb los mus txog As Mos teb sab tod.

30 Zes Faws Tas fiv ib lub yeem rau HUAB TAIS tias :

"Yog koj cia kuv yeej cov As Mos, 31 mas thaum kuv rov qab los tsev, thawj tug neeg tawm hauv kuv tsev tuaj tos kuv mas tus ntawd yuav yog HUAB TAIS li. Kuv yuav muab nws txi rau HUAB TAIS."

32 Zes Faws Tas mus ntaus cov As Mos, HUAB TAIS muab lawv rau hauv nws txhais tes. 33 Nws ntaus lawv txij ntawm lub nroog As Los Es mus txog Mis Nis. Cov As Mos swb loj kawg, thiab poob ntsej muag.

34 Thaum Zes Faws Tas rov los tsev nyob Mis Pes, nws tus ntxhais ntaus nruas khiav yeev tuaj tos nws. Yog nws tus

ntxhais twm zeej, nws tsis muaj tub muaj ntxhais ntxiv lawm.

35 Zes Faws Tas pom dheev nws tus ntxhais, Zes Faws Tas dua rhe nws lub tsho, nws hais tias :

"Kuv me ntxhais, cas koj yuav coj xwv txheej tuaj raug kuv ? Ua cas thiaj yuav yog koj ? Kuv txoj hmoov phem lawm ! Kuv tau cog lus rau HUAB TAIS , kuv them tsis tau !"

36 Tus ntxhais teb tias :

"Txiv, koj cog lus rau HUAB TAIS lawm, mas koj ua rau kuv xws li koj tau fiv yeem, vim HUAB TAIS twb pub koj pauj rau cov yeeb ncuab As Mos lawm."

37 Tus ntxhais hais rau nws txiv tias :

"Kuv thov koj kheev kuv ua li no : koj cia kuv mus ob hlis. Kuv yuav nrog kuv cov viv ncaus mus nyob saum roob quaj txog kuv lub cev nkauj xwb."

38 Nws txiv hais tias :

"Koj mus tau."

Ces nws cia tus ntxhais mus tau ob hlis. Nws mus nyob pem roob nrog nws cov viv ncaus quaj txog nws lub cev nkauj xwb. 39 Thaum puv ob hlis lawm, tus ntxhais rov los cuag nws txiv, ces nws txiv thiaj ua rau tus ntxhais raws li lub yeem nws tau fiv.

40 Yog vim li ntawd mas cov His Xas Lais muaj txoj kev cai zoo li no : niaj xyoo cov ntxhais His Xas Lais yuav tsum mus quaj plaub caug hnub txog Zes Faws Tas tus ntxhais.

Xas Xoos yug los, nws ua Nas Ntxis. 13 : 2 - 7 + 24 - 25.

13 2 Muaj ib tug txiv neej xeem Daas nyob Kos Les As, nws hu ua Mas Nos As. Nws poj niam tsis muaj me nyuam.

3 HUAB TAIS tus Tshiab tuaj xyuas tus

poj niam thiab hais rau nws tias :
 "Koj tsis tau muaj me nyuam. 4 Tab sis, nyem no, koj yuav ceev faj. Koj yuav tsis txhob haus cawv txiv ntoo los cawv txhuv, tsis txhob noj tej yam tsis huv. 5 Koj yuav xeeb tub, koj yuav yug ib tug tub. Koj yuav tsis txhob chais nws plaub hau ib zaug li. Tus me nyuam ntawd, txij nruab thiab los, nws yuav ua Tswv Ntuj ib tug Nas Ntxis. Yog nws yuav cawm cov His Xas Lais ntawm cov Fis Lis Tis." 6 Tus poj niam thiaj mus hais rau nws tus txiv tias :
 "Tswv Ntuj ib tug neeg tau hais lus rau kuv. Zoo li yog ib tug Tshiab, vim nws tus yam ntxwv muaj hwj chim kawg. Kuv tsis tau nug nws tias nws tuaj qhov twg tuaj. Nws tsis tau qhia nws npe rau kuv paub. 7 Tab sis nws hais rau kuv tias : Koj yuav xeeb tub, koj yuav yug ib tug tub. Mas koj yuav txhob haus cawv txiv ntoo los cawv txhuv li. Tsis txhob noj tej yam tsis huv. Koj tus me nyuam, txij nruab thiab los, nws yuav ua Tswv Ntuj ib tug Nas Ntxis mus txog hnub tuag !"

24 Tus poj niam yug tau ib tug tub, nws tis npe hu ua Xas Xoos. Tus tub hlob zui zus. HUAB TAIS pub txoj hmoov zoo rau nws.

25 HUAB TAIS lub tswv yim tuaj tshoj nws nyob hauv lub yeej Daas uas nyob ib nrab ke ntawm Xos Les As mus rau Es Tas Os.

Xas Xoos yuav poj niam.

14 : 1 - 20.

14 1 Xas Xoos mus txog Tis Nas.
 Nyob hauv cov ntxhais Fis Lis Tis, nws pom ib tug ntxhais xis nws siab.
 2 Nws rov los txog tsev, nws hais qhia nws niam nws txiv tias :

"cov ntxhais Fis Lis Tis uas nyob Tis Nas kuv pom ib tug ntxhais xis kuv siab kawg. Neb mus yuav nws los ua kuv poj niam."

3 Xas Xoos niam thiab txiv hais tias : Nyob hauv koj lub xeem thiab koj haiv neeg tsis muaj poj niam yuav lod ? Ua cas koj thiaj yuav mus nrhiav poj niam nyob hauv cov Fis Lis Tis uas lawv tsis txais lub Cim Txiat ntawd ?"

Tab sis Xas Xoos teb nws txiv tias : "Koj mus yuav tus ntawd rau kuv xwb, vim yog tus kuv nyiam."

4 Nws niam thiab nws txiv nkawd tsis paub tias yog HUAB TAIS xav kom Xas Xoos ua li ntawd. HUAB TAIS xav kom cov His Xas Lais thiab cov Fis Lis Tis muaj plaub muaj ntug, vim thaum ntawd cov Fis Lis Tis yuam cov His Xas Lais.

5 Xas Xoos mus nram Tis Nas. Thaum nws mus txog ntawm cov hav txiv cawv, nws ntsib ib tug thav tsov nyooj laws rau nws. 6 Tam sim ntawd HUAB TAIS lub tswv yim nqes los nyob saum Xas Xoos, ces Xas Xoos muab tus tsov dua rhe yam li yus dua ib tug me nyuam tthis. Tab sis Xas Xoos tsis piav qhov ntawd qhia nws niam thiab nws txiv nkawd li.

7 Xas Xoos mus nram Tis Nas, nws mus nrog tus ntxhais tham, tus ntxhais ntawd xis nws siab. 8 Tau ob peb hnub tom qab, Xas Xoos rov tuaj yuav tus ntxhais. Xas Xoos lug kev rov mus xyuas tus tsov tuag. Muaj ib xub muv uas muaj muaj zib los nyob hauv tus tsov lub khauj khaum pob txha.

9 Xas Xoos xuas tes mus de tau ib qho zib los. Thaum nws mus kev nws muab ib qho los noj. Thaum nws los txog tsev nws kuj muab rau nws niam nws txiv noj. Tab sis nws tsis hais qhia nws niam nws txiv nkawd tias yog nws muab cov zib muv ntawd hauv lub khauj khaum pob txha tsov los.

- 10 Nws rov mus nram nws tus poj niam tsev, ces lawv ua tshoob tau xya hnub xya hmo rau Xas Xoos, vim lawv kev cai cov hluas yeej ua li ntawd.
- 11 Tab sis tog neej tsa ntshai Xas Xoos. Lawv xaiv peb caug tus txiv neej nrog nws nyob rawv. 12 Ces Xas Xoos hais rau lawv tias :
 "Kuv txhiaj ib qho rau nej txhais. Kuv muab xya hnub nqaum paj nqaum nruas no rau nej txhais. Yog nej txhais tau mas kuv muab peb caug thooj ntaub tsuj ntaub npuag rau nej thiab peb caug cev khaub ncaws zoo nkauj rau nej. 13 Tab sis yog nej txhais tsis tau mas nej yuav tsum muab peb caug thooj ntaub tsuj ntaub npuag thiab peb caug cev khaub ncaws zoo nkauj rau kuv."
- Lawv teb nws tias :
 "Koj txhiaj. Peb mloog."
- 14 Ces nws hais rau lawv tias :
 "Tej yam zoo noj tawm hauv tus noj luag los, tej yam qab zib tawm hauv tus muaj zog los."
- Tau peb hnub lawv txhais tsis tau li.
- 15 Ces hnub plaub lawv mus hais rau Xas Xoos tus poj niam tias :
 "Koj ntxias koj tus txiv kom nws qhia lo lus txhais rau koj. Yog koj tsis ua li ntawd mas peb yuav muab koj hlawv thiab muab koj txiv tsev neeg hlawv huv si. Puas yog vim nej xav lwg peb, nej thiaj hu peb tuaj nyob ntawm no ?"
- 16 Ces Xas Xoos poj niam ua txuj quaj quaj khawm lias Xas Xoos caj dab hais tias :
 "Yog koj ntxub ntxub kuv xwb ! Koj twb tsis nyiam kuv ! Koj txhiaj ib qho rau kuv cov neej tsa txhais, tab sis koj twb tsis tau piav rau kuv paub li."
- Xas Xoos teb rau nws tias :
 "Kuv twb tsis tau hais qhia kuv niam kuv txiv nkawd. Ua cas kuv yuav hais qhia koj ?"
- 17 Xya hnub uas lawv ua lom zem ntawd, nws tus poj niam quaj xya hnub nyob ntawm nws xub ntiag. Ces hnub xya Xas Xoos nyiaj tsis taus, nws qhia lo lus txhais rau nws poj niam. Ces tus poj niam qhia lo lus txhais rau nws cov neej tsa.
- 18 Hnub xya, thaum Xas Xoos tsis tau nkag hauv kem tsev pw, cov neeg hauv lub nroog tuaj hais rau Xas Xoos tias :
 "Tsis muaj ib yam qab zib cuag zib ntab ! Tsis muaj ib yam muaj zog cuag tsov ntxhuav!"
- Xas Xoos teb ntua tias :
 "Yog nej tsis tau nrog kuv tus maum nyuj laij liag, mas nej yeej tsis paub kuv lo lus txhais."
- 19 Ces HUAB TAIS lub tswv yim tuaj nyob saum Xas Xoos. Nws ya ntxiag mus nram As Kes Loos, nws muab peb caug tus txiv neej tua, nws hle lawv cov khaub ncaws nqa los rau peb caug tus txiv neej uas lawv txhais tau nws cov lus. Nws npau taws ces nws rov mus tsev.
- 20 Lawv muab Xas Xoos tus poj niam rau tus phij laj yuav.

Xas Xoos hlawv tsoom Fis Lis Tis cov qoob loo. 15 : 1 - 8.

- 15** 1 Ib ntus tom qab, thaum txog lub caij hlais nplej, Xas Xoos rov tuaj xyuas nws poj niam. Nws nqa ib tug tthis tuaj rau nws poj niam. Xas Xoos hais tias :
 "Kuv xav mus xyuas kuv poj niam nyob hauv nws kem tsev."
 Tab sis nws yawm txiv tsis kheev.
 2 Nws yawm txiv hais tias :
 "Kuv xav tias koj ntxub nws lawm ces kuv muab nws rau koj tus phooj ywg yuav lawm. Tab sis nws tus niam hluas

- tsis zoo dua nws lod ? Koj yuav nws ua
koj poj niam mas !" Lawb teb tias :
3 Xas Xoos teb tias : "Yog peb tuaj ntes Xas Xoos khi, thiab
tuaj ua phem rau nws xws li nws ua rau
peb."
- "Nyem no yog kuv tsis tau ua phem rau
cov Fis Lis Tis mas kuv lub siab yuav
nyob tsis tus !" 11 Muaj peb txhiab leej Yus Das mus
hais rau Xas Xoos nyob hauv lub qhov
tsua Es Tas tias :
"Koj tsis paub tias cov Fis Lis Tis yog
peb cov tswv lod ? Koj ua dab tsi li
ntawd rau peb ?"
- 4 Ces Xas Xoos mus ntes tau peb caug
tus hma los. Nws npaj ib co tsau. Nws
muab cov hma tig ko tw los sib npuab,
ces nws pav ib teg tsau rau ntawm nruab
nrab ob tug hma ko tw. 5 Nws zes taws
rau cov tsau, nws tso cov hma mus hauv
cov Fis Lis Tis tej teb qoob. Cov nplej
twb hlais pav ua tej tes, los cov nplej
tseem tsis tau hlais, nws muab hlawv tib
si. Nws kuj hlawv lawv cov vaj txiv
cawv, txiv ntoo roj huv tib si.
- 6 Cov Fis Lis Tis nug tias : Xas Xoos teb lawv tias :
"Yog leej twg ua li ntawd ?"
"Kuv pauj rau lawv raws li lawv ua rau
kuv xwb."
- Muaj neeg teb tias : 12 Lawv hais rau Xas Xoos tias :
"Yog Xas Xoos uas yog tus neeg nyob
Tis Nas tus vauv. Vim tus neeg ntawd
muab Xas Xoos tus poj niam rau Xas
Xoos tus phooj ywg lawm."
"Peb tuaj khi koj cab mus rau cov Fis Lis
Tis."
- Ces cov Fis Lis Tis mus muab Xas Xoos
poj niam thiab nws tsev neeg hlawv.
7 Xas Xoos hais rau lawv tias : Xas Xoos hais rau lawv tias :
"Yog nej ua li no mas kuv yuav tsis tso
nej tseg li. Kuv yuav ua pauj rau nej tas
tso !"
"Nej cog lus rau kuv tias nej yuav tsis tua
kuv."
- 8 Xas Xoos ntaus cov Fis Lis Tis, lawv
swb nws loj kawg. Ces Xas Xoos mus
nram lub qhov tsua Es Tas. Nws mus
nyob ntawd.
- 13 Lawv teb tias :
"Peb tsis tua ! Peb xav ntes koj mus rau
lawv xwb, tab sis peb tsis xav ua kom koj
tuag."
Ces lawv muab ob txog hlua tshiab los
khi Xas Xoos thiab lawv rub nws hauv
qhov tsua los.
- 14 Thaum Xas Xoos los txog Les His,
cov Fis Lis Tis qw qw khiav ntsuag qees
tuaj tos nws. HUAB TAIS lub tswv yim
rwg ntxiag los nyob hauv Xas Xoos. Ob
txog hlua khi nws tes cia li tu yam li cov
hlua maj kub hnyiab, thiab zoo li yaj tas
nyob hauv nws tes. 15 Nws pom ib tug
pob txha puab tsaig luij tseem tshiab
tshiab. Nws cev tes mus khaws nkaus tus
pob txha puab tsaig ntawd ntaus tuag ib
txhiab leej neeg.
- Tus pob txha puab tsaig luij.**
15 : 9 - 15.
- 9 Cov Fis Lis Tis mus ua yeej nyob Yus
Das teb, lawv mus soj ntsuam txog Les
His.
- 10 Cov Yus Das hais rau lawv tias :
"Vim li cas nej thiaj tuaj ntaus peb ?"
Tsheej Nkas Xas lub rooj loog.
16 : 1 - 3.
- 16** 1 Xas Xoos mus txog Nkas Xas.
Nws pom ib tug poj ntia, nws

chaws mus hauv tus poj ntiav tsev.

2 Muaj neeg tuaj hais rau cov neeg nyob Nkas Xas tias Xas Xoos tuaj txog ntawm no lawm. Ces lawv tso tej pab neeg mus zov lub tsheej thiab tos Xas Xoos nyob ntawm rooj loog. Lawv tos nyob ntawd ntsiag to ib hmos. Lawv xav tias : Peb tos mus txog kaj ntug ces peb muab nws tua.

3 Tab sis Xas Xoos pw txog ib tag hmo, ces nws sawv los. Nws nthos ob daig txiag qhov rooj thiab ob tug ncej ntawm rooj loog, nws rho hlo tau daim taw rooj los huv tib si. Nws muab kwv saum xub pwg mus txog pem lub ncov roob uas nyob ncaj Hes Plhoos, nws tso lub qhov rooj rau ntawd.

Das Lis Las muab Xas Xoos rau cov Fis Lis Tis ntes. 16 : 4 - 21.

4 Ua li ntawd tas, Xas Xoos mus nyiam ib tug poj niam nyob hauv lub vos hav Xos Les. Tus poj niam ntawd hu ua Das Lis Las.

5 Cov nom tswv Fis Lis Tis mus hais rau Das Lis Las tias :

"Koj ntxias Xas Xoos kom nws qhia koj saib nws muab nws lub zog ntawd qhov twg los, kom peb paub tias yuav ua cas thiaj ntes tau nws thiab khi tau nws kom nws tsis txhob muaj zog ntxiv lawm. Tso peb ib leeg yuav muab ib txhiab thiab ib puas lub txiag rau koj."

6 Ces Das Lis Las hais rau Xas Xoos tias :

"Thov koj qhia kuv saib koj muab koj lub zog loj tas npaud qhov twg los ? Yuav muab dab tsi khi koj thiaj yuav pav tau koj ?"

7 Xas Xoos teb tias :

"Yog nej muab xya txoj hlua hnneev tshiab tshiab uas tsis tau qhuav los khi kuv mas

kuv lub zog yuav ploj, kuv yuav zoo li luag tej xwb."

8 Cov nom tswv Fis Lis Tis nqa tau xya txoj hlua hnneev tshiab tshiab tsis tau qhuav tuaj rau Das Lis Las. Das Lis Las muab coj los khi Xas Xoos.

9 Nws zais ib co neeg nkaum nyob hauv nws tsev. Ces nws qw tias :

"Xas Xoos, cov Fis Lis Tis tuaj ntes koj !"

Xas Xoos ua cov hlua tu mos nyoos yam li ib co xov maj kub hnyiab. Ces lawv tsis paub Xas Xoos lub zog txhawv qhov twg los.

10 Das Lis Las hais rau Xas Xoos tias : "Koj lam dag kuv xwb. Nyem no, thov koj qhia kuv tiag tiag saib kuv yuav muab dab tsi los khi koj ?"

11 Xas Xoos teb tias :

"Yog nej muab ib co hlua tshiab tshiab tsis tau siv ib zaug los khi kuv, mas kuv lub zog yuav ploj, kuv yuav zoo li luag tej xwb."

12 Ces Das Lis Las muab ib co hlua tshiab tshiab tsis tau siv dua los khi Xas Xoos, thiab nws qw tias :

"Xas Xoos, cov Fis Lis Tis tuaj ntes koj !"

Das Lis Las zais ib co neeg nkaum nyob hauv nws kem tsev. Tab sis Xas Xoos ua cov hlua tu mos nyoos ib yam li ib txog xov.

13 Ces Das Lis Las hais rau Xas Xoos tias :

"Los txog tav nod koj thuam kuv xwb, koj dag kuv xwb. Koj qhia kuv saib yuav muab dab tsi los khi koj mas ?"

Xas Xoos teb tias :

"Yog koj muab kuv xya tus moj tuam khi rau cov xov ntawm lub ntos ntaub thiab koj muab lub ntos txhos rau hauv av mas kuv lub zog yuav ploj, kuv yuav zoo li luag tej xwb."

- 14 Das Lis Las ntxias Xas Xoos tsaug zog lawm, ces nws muab Xas Xoos xya tus moj tuam los ntos xyaw rau nws cov xov thiab muab lub ntos ntaub los txhos rau hauv av.
 Das Lis Las qw tias :
 "Xas Xoos, cov Fis Lis Tis tuaj ntes koj !" Xas Xoos tsim dheev los, nws xav tias : Kuv yuav ua tau xws li niaj zaus, kuv yuav dim. Nws tsis paub tias HUAB TAIS fee nws lub ntsej muag lawm.
- 15 Das Lis Las hais rau Xas Xoos tias :
 "Ua cas koj thiaj hais tau tias koj nyiam kuv ? Koj lub siab twb tsis nrog kuv nyob. Koj twb dag kuv peb zaug lawm thiab koj tsis tau qhia tias tim li cas koj lub zog thiaj loj tas npaud."
- 16 Niaj hnub, Das Lis Las pheej hais tas zog, ces Xas Xoos nyiaj tsis taus. 17 Xas Xoos thiaj qhib nws lub siab tas tib si rau Das Lis Las. Nws hais tias :
 "Rab chais tsis tau chwv kuv taub hau ib zaug li, vim kuv yog Tswv Ntuj tus Nas Ntxis txij thaum kuv nyob hauv kuv niam plab los. Yog leej twg txiav kuv cov plaub hau mas kuv lub zog yuav tso kuv tseg, kuv yuav tsis muaj zog ntxiv lawm, kuv yuav zoo li luag tej xwb."
- 18 Das Lis Las paub tias nyem no Xas Xoos qhib tas Xas Xoos lub siab rau nws lawm, ces Das Lis Las mus hu cov nom Fis Lis Tis tuaj, nws hais rau lawv tias :
 "Zaum no nej tuaj. Nws qhib nws lub siab rau kuv tas tib si lawm."
 Ces cov nom tswv Fis Lis Tis nqa nyiaj tuaj rau Das Lis Las.
- 19 Das Lis Las ua kom Xas Xoos tsaug zog nyob ntawm nws hauv caug, ces nws hu ib tug txiv neej tuaj txiav Xas Xoos cov moj tuam. Ces Xas Xoos lub zog ntaug zuj zus, nws tsis muaj zog lawm.
- 20 Das Lis Las qw tias :
 "Xas Xoos, cov Fis Lis Tis tuaj ntes koj !" Xas Xoos tsim dheev los, nws xav tias : Kuv yuav ua tau xws li niaj zaus, kuv yuav dim. Nws tsis paub tias HUAB TAIS fee nws lub ntsej muag lawm.
- 21 Ces cov Fis Lis Tis ntes nws, lawv tshum nws ob lub qhov muag thiab lawv coj nws mus nyob Nkas Xas. Lawv muab ib txog saw hlau txooj los khi nws, lawv kom nws zom lub zeb nyob hauv tsev loj faj.
- Xas Xoos tuag. 16 : 22 - 31.**
- 22 Tab sis Xas Xoos cov plaub hau uas lawv txiav tas nws kuj maj mam ntev tuaj.
- 23 Cov nom tswv Fis Lis Tis tuaj sib sau, lawv xav ua ib zag txi dab loj rau lawv tus dab Das Nkoos, thiab lawv yuav noj yuav haus. Lawv hais tias :
 "Peb tus tswv ntuj muab Xas Xoos uas yog peb thawj tug yeeb ncuab rau hauv peb tes lawm."
- 24 Thaum tsoom sid pom lawv tus tswv ntuj, lawv qw cav txog lawv tus tswv ntuj tias :
 "Peb tus tswv ntuj muab Xas Xoos uas yog peb tus yeeb ncuab rau hauv peb tes lawm. Xas Xoos yog tus ua kom peb lub teb chaws Iwj liam tas, thiab yog tus ua kom peb cov neeg tuag pawg lug."
- 25 Lawv zoo siab heev, lawv qw tias :
 "Nej coj Xas Xoos los kom peb tau kev ua si !"
 Ces lawv mus coj Xas Xoos hauv tsev loj faj los. Nws ua si rau lawv ntsia. Lawv coj nws mus sawv ntsug nyob ntawm cov kis ncej zeb.
- 26 Xas Xoos hais rau tus tub uas tuav nws tes cab nws mus kev tias :
 "Koj coj kuv mus tuav cov ncej pob zeb uas txheem lub tsev, kuv xav mus ib ntawd."

- 27 Hauv lub tsev ntawd muaj neeg coob coob, poj niam txiv neej nyob ntsawm nkaus. Tas cov nom tswv Fis Lis Tis nyob ntawd tib si. Muaj peb txhiab tawm leej poj niam txiv neej nyob txheej tsev saud ntsia Xas Xoos ua si.
- 28 Xas Xoos thov HUAB TAIS tias : "HUAB TAIS Tswv Ntuj, thov koj nco txog kuv ! Koj muab zog rau kuv kom zaum no kuv ua ib zaug pauj rau cov Fis Lis Tis uas lawv tshum kuv ob lub qhov muag dig lawm."
- 29 Xas Xoos muab tes xuas tau ob tug ncej uas txheem nruab nrab lub tsev, nws thawb ob tug ncej, nws txhais tes xis thawb ib tug, txhais tes laug thawb ib tug.
- 30 Nws qw tias :
"Cia kuv nrog cov Fis Lis Tis tuag ua ke !"
Ces Xas Xoos siv tas nws lub zog thawb. Lub tsev vau hlo los tsuam cov nom tswv thiab cov neeg nyob ntawd tas huv tib si. Zaum ntawd cov Fis Lis Tis nrog nws tuag coob dua thawj zaug uas nws ciaj.
- 31 Xas Xoos cov kwv tij thiab nws tsev neeg tuaj coj nws lub cev mus. Lawv muab nws faus nyob hauv nws txiv Mas Nos As lub ntxa, nyob ntawm t xo j kev mus Xos Les As rau Es Tas Os. Xas Xoos tau ua Txwj Laus Tiv Thaiiv rau cov His Xas Lais nees nkaum xyoo.